

Եւ 'ի սմին ժամանակի անկեալ էր գանքն Ս. Յակոբայ 'ի ներքոյ բազմադուժար տոկոսաւոր սլարտուց 'ի դառնութենէ ժամանակին . ստացուածք վանաց՝ անօթք և սպասք եկեղեցւոյ՝ եղեալ 'ի գրաւի : Փոյթ կալաւ Գրիգոր մեծաւ աշխատութեամբ և խոհեմութեամբ թեթեւացուցանել զպարտս Աթուոյն . և խոհական տնտեսութեամբ տնօրինել զամենայն ինչ : Իբրեւ ետես Պետրոս կաթողիկոս զանխոնջ ջանս եւ զհաւատարիմ՝ աշխատութիւնս նորին . հաճութեամբ Դաւթի Արք եպիսկոպոսի եւ Պատրիարքի քաղաքին Երուսաղէմի և գլխաւորացն Հայոց . ձեռնադրեաց զնա 'ի սարկաւազ . և յանձն արարին նմա զամենայն հոգս աթուոյն . եւ նորա յօժարութեամբ յանձն առեալ անձանձիր պարապէր 'ի գործս աթուոյն , տարեալ բազմադիմի վշտաց և նեղութեանց : Գրեաց թուղթս և կոնդակս յարեւելս յաշխարհն Հայոց , և յայլ դաւառս , աւ եպիսկոպոսունս և վարդապետս եւ առ իշխանաւորս ազգին՝ և յորդորական բանիւք շարժեաց զմիտս նոցա՝ 'ի սէր տնօրինական Ս. Տեղեաց Քրիստոսի : Եւ նոքա սկսան գալ բազմութեամբ յամենայն կողմանց՝ լի արդեամբք . բերելով նուէր զպէսպէս անօթս եկեղեցւոյ և զձեռագիր մատեանս , յորոց միջի նշանաւոր են ժողովուրդք Լեհաստանի նուիրօք և յիշատակօք . եւ Գրիգոր արդեամբք նոցին հատոյց զամենայն պարտս Աթուոյն՝ եւ ազատեաց զգորաւսն . և սկիզբն արար շինութեան և նորոգութեան վիճակին Հայոց :

Ապա ձեռնադրեցին զնա վարդապետ (1610) : Տեսեալ գլխաւորաց ազգին զիսթ և զհաւատարիմ ծառայութիւն ժրաջան մշակին՝ 'ի պայծառութիւն Աթուոյն Երուսաղէմի՝ ետուն ձեռնադրել զնա Արք եպիսկոպոս և Պատրիարք Երուսաղէմի , զինի մահուան Դաւթի : Զայս ամենայն զոր գրեցաք սակաւութեւ , գտանի 'ի պատմութեան նորին Գրիգորի , գրեալ 'ի մագաղաթի . և 'ի յիշատակարանի ձեռագիր Յայսմաւուրի՝ Գրիգորի Մերենց . գրեալ (1638) նորին հրամանաւ : Իսկ զայլ գործս Գրիգորի , քաղեմք 'ի դատաստանական գրոց :

Ոմանք յայլազգեաց Երուսաղէմի՝ թշնամացեալ բնդ միաբանս Հայոց . 'ի գիշերի այրեցին հրով զարտաքին դուռն